

黎城縣續志

黎城縣續志卷之四

補遺

地理志

沿革

縣境在商周爲黎國

尚書西伯戡黎孔傳近王畿之諸侯在上黨東北
史記殷本紀西伯伐飢國滅之周本紀敗耆國正
義曰即黎國也括地志云故黎城黎侯國也在潞
州黎城縣東北十八里尚書西伯戡黎是也

黎城縣續志

卷之四

補遺

一

說文罄殷諸侯國在上黨東北

路史國名記昔文王伐飢本作飢音祈即耆黎也
周書傳五年伐耆而大傳作戡耆故說以黎也
六韜決大疑武王封湯後於黎

呂氏春秋武王封堯後於黎

地理今釋黎國今山西潞安府黎城平順二縣地
案飢飢耆黎皆同聲字罄則其專字古同聲字多
通假國都字多從邑非有數名也尚書戡黎宋儒
或以西伯爲武王周之始封呂覽與六韜各異皆

無可辨其故國據括地志在今縣而長治西南三十里有黎嶺所謂壺關黎亭者地理志郡國志元和志水經注書正義均以爲西伯所戡之黎左傳杜注詩式微釋文並謂周黎國亦在彼其地距今縣之黎侯城約一百六十里方乘無所適從遂創爲黎國最大上黨皆黎地之說以通之然兩地之間在殷末爲微子邑在周時爲潞子國謂黎有二都不可也古上黨兼今潞澤遼沁四府州地春秋晉未啟土之前皆狄所居如鐸辰甲氏留吁皋落

氏唐咎如皆赤狄之近潞者而謂上黨皆黎地尤不可也考地理者杜氏春秋釋例爲最精審酈氏水經注爲最博洽杜於左傳紂黎之蒐云或曰東夷國或曰魏郡黎陽是商時有二黎矣酈於河水所經之黎陽云黎侯國也詩式微黎侯寓於衛是直以周之黎爲在今濬縣矣地名偶同記載錯出抉擇爲難今人所見古書又不及其十一強相牽合愈形抵牾故嘗疑周初所封不必即爲既戡之國晉人所立不必即爲始封之地元和郡縣志太

平寰宇記並以壺關黎亭爲殷時國黎城故城爲
春秋國準其疆域揆以事義或有合也

春秋時國奪於赤狄潞氏晉滅潞復立之後卒爲晉
有

左宣十五年傳晉侯治兵於稷以略狄土立黎侯
而還哀四年傳齊國夏伐晉取壺口

元和郡縣志黎城古黎國春秋晉荀林父滅潞立
黎侯而還今縣東十八里黎侯城是也

地理今釋壺口在黎城縣東今名吾兒峪

黎城縣續志

卷之四

補遺

三

案詩式微序黎侯爲狄逼逐在衛宣公時左傳豐
舒奪黎氏地在衛穆公時蓋不百年而再失國矣
其初復歸其後地入於晉皆不詳爲何時然晉人
之立黎侯非真能興滅繼絕也特利狄土地藉爲
師端滅狄後畀以一邑俾奉宗祀與齊桓之復封
邢衛有別故春秋略而不書不然晉之君臣方侈
張其事未有不告諸列國者春秋方且嘉予之大
書特書之矣吾兒峪去黎故城約十里許爲晉東
出之通衢今猶名東陽關地既爲晉有卧榻之下

豈容鼯睡黎之或削爲附庸或竟夷爲縣終春秋世不能自存固可逆料而知也

戰國上黨地屬趙

戰國策蘇厲遺趙王書秦以三郡攻王之上黨羊腸之西勾注之南非王有也樊餘謂楚王云韓兼兩上黨以臨趙即趙羊腸以上危

案羊腸坂在壺關縣南其西爲長治長子地其北則黎潞諸縣也趙都邯鄲當坂左爲國門近險趙上黨有今潞安遼沁地獨澤州屬韓爲韓之上黨

黎城縣續志

卷之四

補遺

四

其後韓北擴地至屯留兼有趙地故云兩上黨然羊腸之上諸縣仍始終屬趙也史記正義謂趙上黨止有儀沁二州以國策證之其說未該

漢上黨郡潞縣地後漢因之

漢書地理志上黨郡縣十四潞故潞子國

續漢書郡國志上黨郡十三城潞本國注引上黨記曰縣東北八十里有黎城臨壺口關

案今長治縣東亦有壺口關爲壺關名縣所自而壺口之名遂移而南非復春秋之舊矣因疑黎亭

與關爲一時置當始於秦秦制縣十里有亭也潞故縣明一統志在今潞城東北四十里即潞子嬰兒所都者

旋罷
晉因之永興初并州刺史寄治縣東十五里之臺壁

晉書地理志上黨郡統縣十潞第一左哀四年杜注潞縣東有壺口關

魏書地形志并州漢晉治晉陽晉末治臺壁後治晉陽又襄垣郡刈陵縣有臺壁

黎城縣續志

卷之四

補遺

五

案并州治臺壁不見於晉書以事勢揆之當在惠帝之末時爲并州刺史者司馬騰也劉元海載紀永興元年元海僭號漢王騰使將軍聶元討之戰於大陵敗績騰懼率并州二萬餘戶下山東其年泫氏屯留長子皆爲劉曜所陷明年劉琨爲并州刺史進據晉陽騰傳云騰在并州七年屢爲胡騎圍城劉琨傳云并州刺史劉東瀛公騰以晉川荒匱移鎮臨漳太原西河盡徙三魏琨受任并州屬承其弊以諸文核之騰率人下山東實取道上

黨時上黨郡治潞縣

於郡東僑立官府依壺口爲固及上

黨屬縣不守遂東奔於鄴志所云治臺壁當在此時其後劉琨代爲刺史由上黨轉戰而前并州復爲晉有志所云復治晉陽當在此時

後魏太武廢潞縣於今縣西北置刈陵縣初屬鄉郡後屬襄垣郡

魏書地形志襄垣郡建義元年置治襄垣城

分鄉郡置

領縣四刈陵二漢晉曰潞真君十一年改後屬有伏牛山黎城三壟山積布山路城武軍城涉城涉

黎城縣續志

卷之四

補遺

六

水臺壁

五朝志刈陵後魏以潞縣被誅遺人置

一統志刈陵故城在黎城縣西北

案此爲今縣境立縣之始據地形志所載疆域則合今潞城之北境河南涉縣之西境爲一縣地

北齊因之後周置潞州於襄垣縣屬如故

元和郡縣志周顯德七年於襄垣置潞州

隋開皇中改刈陵縣爲黎城移潞州於上黨縣縣屬焉大業初改潞州爲上黨郡縣仍屬焉

元和郡縣志開皇十八年改刈陵爲黎城縣隋書地理志上黨郡後周置潞州開皇初郡廢太業初復置郡統縣十黎城有積布山松門山

案此爲黎城名縣之始自西漢迄後周皆與潞城爲一縣地至是始各自爲縣由開皇十八年上溯漢三年上黨置郡之始凡八百一年

唐武德初屬韓州貞觀之中復屬潞州天祐中改黎亭五代之際復名黎城

元和郡縣志武德元年於襄垣置韓州縣屬貞觀

黎城縣續志

卷之四

補遺

七

十七年廢韓州屬潞州新唐書地理志黎城上天祐三年更曰黎亭有銅山東有壺口關

案唐亡於天祐四年潞州於元年爲晉所有縣名蓋克用所改者其後晉漢周迭有斯地而縣不見於新舊史不知何時又復故名據寰宇記宋地理志皆略而不書當在宋以前矣

宋天聖中徙縣治於白馬驛屬隆德府

宋史地理志隆德府本潞州崇寧三年升領縣八黎城中天聖三年徙治縣之東南白馬驛熙寧五

年省入潞城元祐元年復

案今監本宋史誤
縣東南爲涉東南

案此爲今縣城立治之始宋以前故縣在今縣西北八里故云徙治縣之東南也由宋天聖三年上溯隋開皇十八年凡四百二十七年再上溯後魏真君十一年共五百七十五年

金元並屬潞州明初因之嘉靖中升潞州爲潞安府別置平順縣析縣之南境隸焉而縣屬如故

金史地理志潞州領縣八黎城有白巖山故壺關口貞祐三年七月升涉縣爲崇州以黎城縣隸焉

黎城縣續志

卷之四

補遺

八

四年復爲涉縣

元史地理志潞州領縣七黎城至元二年併涉縣偏城等十三村入焉

明史地理志潞安府元潞州嘉靖八年升領縣八黎城有濁漳水東南入河南林縣界東北又有清漳水流入河南涉縣界又東北有吾兒峪巡檢司嘉靖八年二月以潞城縣青羊里置平順縣析黎城地益之

國朝因之乾隆二十九年平順縣廢以原析之地還縣

縣册原析五里侯壁新安王曲耽車石灰也歸還
後通名爲五美里

案舊志沿革於古籍無所徵引茲別輯爲篇詳之

山川

張諱巖即白巖也水經注世傳巖赤則土罹兵害故
惡其變化無常恆以石粉汙之令白是以俗目之爲
張諱巖

望夫山即石竝山也水經注漳水又東北厯望夫山
山之南有石人竝於山上狀有懷於雲表因以名焉

黎城縣續志

卷之四

補遺

九

寰宇記今名望夫嶺

銅山在縣東北唐地理志黎城有銅山

案縣北近遼州界有銅峪當是也

松門山在縣西北五朝志黎城有松門山

案冀州圖云松門嶺在襄垣北一百三十里蓋一

山之毗連者

黃須水即東河也水經注漳水於是左合黃須水口
水出臺壁西張諱巖下府志東河源出縣北十五里
白巖山東南流經縣城東北會田溪水又南流至城

南會西河水又南流入漳河

案縣有東黃須西黃須村與水經注左右黃須合蓋村名之最古者須乃鬚之本字必有名義然不可考矣

古蹟

古壺關元和郡縣志在縣東二十五里春秋齊國夏伐晉取八邑有孟口孟口即壺口也聲相近故有二名

案入邑爲邢任欒鄙逆時陰人孟壺口杜注潞縣

黎城縣續志

卷之四

補遺

十

東有壺口關是杜所據之左傳未嘗書爲孟口豈吉甫別見古本與杜不同抑或因上文孟字而誤也然曰八邑又非不數及孟是不可考同聲相近致有二名非徒古也卽今名之吾兒峪實亦壺兒峪耳壺口在晉者有四一在吉州西南爲黃河隘見書疏一在臨汾縣西爲平水所出見水經注一爲上黨之壺關一卽此也

刈陵故縣通志在潞城一統志在黎城西北

案卽城西北八里之故縣也隋唐之黎城皆治此

據魏書地形志刈陵有潞城則明與潞子故城爲
二地據隋書地理志後魏以潞縣被誅遣人置隋
更名黎城又明以刈陵黎城爲一縣獨酈道元注
水經不詳其更革記叙又復失次遂滋後人之惑
然其所舉之縣雖爲潞而其所證之地實在黎如
云縣北對故壁臺漳水經其南本潞子所立世名
之臺壁左右黃須水口水出壁臺西張諱巖下云
云今其地皆近在縣之東北無一不合若潞子國
則上黨記謂去壺口關八十里懸隔甚矣然則酈

注所云之潞縣即刈陵即隋之黎城無可疑漳水
自此趨而東南而注復云漳水又東北歷望夫山
又云涅水東南注之今地在襄垣黎城境更誤以
上流爲下流良由雜採地志各書綴輯成文自非
身歷不能無參錯也

馮奉世墓及馮昭儀墓元和郡縣志在城東二里

案此城乃故縣城也墓當在今城北八里然馮衍
顯志賦序云先將軍塋涇陵奉世墓似不在此或
是宜鄉侯參也相承已古無以辨之

政事志

物產

筆管菜潞志拾遺即黃精苗也芽形似筆黎人以筆

頭呼之

職官

晉潞令温嶠

祁人永嘉中并州刺史劉琨署遷上黨太守見晉書本傳

隋刈陵縣令郭琛族

并州太原人見開皇五年寶泰寺碑

丞李士廉簿

原子河

並見寶泰寺碑陰

唐黎城縣尉李叡

隴西燉煌人遷潞城令見舊志程大夏李梧桐傳

黎城縣續志

卷之四

補遺

十一

金縣令蘇仲友

真定人天會中胡礪榜進士見元好問蘇彥遠墓志

蒲察藥

見承

安四年福勝寺碑

縣尉彭傑

見福勝寺碑

元達魯花赤未魯不花

至元中

也孫朵

至元末並見貞元年權秉中

文廟碑記

哈喇不花

見大德十一年潞州修文廟碑陰

完者帖木兒

至正二年

縣尹李琳

彰德人至元中

成口

失名至元末並見文廟碑記

杜世榮

大德中見

潞州文廟碑陰

主簿姬紹榮温庭瑞馮口

失名並至元中見文廟碑陰

從政

大德中見潞州文廟碑陰

教諭權秉鈞

大德中見潞州文廟碑陰

縣尉張

汝楫

大德中見潞州文廟碑陰

典史張翥韓元佐

並至正二年見題名碑

明知縣徐慶

宏治四年

文均

深州人正德初

縣丞李端

宏治四年

張輅

鳳翔人正李慶正德十年何應漢鞏昌人正德十六年劉鯨嘉靖四年

阮滄任邱人嘉靖中王庭相深澤人嘉靖二十八年宋朱萬曆中張秩鎮安

人萬曆三馬日全中原人萬曆四十年主薄王淵宏治四年李謙

正德毛經長安人正德十年王文顯郃陽人正德十六年王道河間人

年柴大儒館陶人嘉慶二年韓三奇萬曆三年碑云嘉慶時有韓奇相距二十

初一年是考崔禧未詳吾兒峪巡檢鄧德洪武六年程紀正德

韓文學崇禎二年典史王翥洪武二年潘賢寧波人洪武二年劉

鋪王安宏治四年王賢正德初譚琰平原人正德十六年盧政睢州人嘉慶三年

年張容重岐山人嘉靖十年祁恩固始人嘉慶中葉平景州人嘉靖十八年常

黎城縣續志 卷之四 補遺 十三

應祺秦州人嘉慶三十一會元亨廬江人萬曆三十五年王嘉讓陝西人萬

歷四十年孫燿崇禎二年並見題名碑

道光中知縣陳金鑑立題名碑搜剔金石補舊志

闕漏者約五十人茲又益以所未及者數人並次

於右始潞令以秦漢迄隋黎潞為一縣地也晉上

黨郡嘗治潞矣而不書其太守者縣於彼時為潞

境非潞治監司上官與親民吏別例不得及也

祠祀

關龍逢祠在廣志山上黨記王至山有關龍逢祠

案王至爲廣至之異文太平寰宇記誤爲王屋又
入之潞城

寺觀

大通寺在縣東北辛村里宋治平初建金大定十九
年釋德崇棲此茶毘建石塔校書郎雲騎尉平水老
人毛麾撰銘定遠大將軍開國伯完顏真立石刻像
今土人不敢觸塔像云明正統隆慶間屢修有碑萬
厯間釋了白精禪學內貯御賜全藏

國朝康熙間重修李芳黃記寺有明曾銑芍藥詩

黎城縣續志

卷之四

補遺

十四

慶安寺在舊城中隋開皇五年建賜額寶泰取民寶
其數而泰寧也宋太平興國三年改今額取民賴慶
而獲安也天聖三年縣遷白馬寺遂圯僧道球募修
至和二年簿尉韓固撰記

二寺舊志失載據府志補書

紀事

漢書成帝紀陽朔二年秋關東大水流民欲入函谷
天井壺口五阮關者勿苛留

案上黨未名縣之前史凡言壺關壺關口皆係長

治地悉不錄

通鑑天順元年詔討李克用官軍至陰地朱全忠遣驍將葛從周自壺口關潛入

稽神錄梁開平二年李思安攻潞州營於壺口關伐木爲柵破一大木水中朱書隸文六字曰天十四載石進思安表上之其羣臣皆賀以爲十四年必有遠夷貢珍寶者其司天少監徐鴻謂所親曰自古無一字爲年號者上天符命豈闕文乎吾以爲丙申之年當有石氏王此地者移四字中兩豎畫置天字左右

黎城縣續志

卷之四

補遺

十五

卽丙字也移四字之外圍以十字貫之卽申字也後至丙申歲晉高祖以石姓起并州如鴻之言

元關虎左轄二公勲德碑至正辛卯總兵官保調禦澤潞兵抵長子盜由冀經潞犯襄垣卽分軍三隊掩掠其衆盜懼遁自黎城下吾兒峪是夕命弟賽固不花勒兵橫擊大捷以安潞境

潞志拾遺左良玉勦晉寇時駐黎城孝廉李金漳招之飲方入座武涉報寇至甯南卽上馬去且日夜半當旋可卒飲也夜半果旋斬獲各以千計

通志崇禎十五年任國琦自松山潰歸繇林縣夜踰壺口關十一月掠長治北董蘇店秦家莊從容入秦去

府志順治六年黎城土寇趙聯芳申少峰李友庫劉徹等作亂殺知縣李雲起

案是年七月叛將沈烈許守信等詐稱姜壤兵攻陷府城屯留長子襄垣並失守趙聯芳等遂蠶起爲亂十月大兵至皆授首自此迄咸豐初無烽燧之驚者二百五年

黎城縣續志

卷之四

補遺

十六

人物志

名賢

馮奉世字子明上黨潞人也徙杜陵其先馮亭爲韓上黨守秦攻上黨絕太行道韓不能守馮亭乃入上黨城守於趙趙封馮亭爲華陽君與趙將括拒秦戰死於長平宗族由是分散或留潞或在趙在趙者爲官帥將官帥將子爲代相及秦滅六國而馮亭之後馮母擇馮去疾馮劫皆爲秦將相焉漢興文帝時馮唐顯名即代相子也至武帝末奉世以良家子選爲

郎昭帝時以功次補武安長失官年三十餘矣乃學春秋涉大義讀兵法明習前將軍韓增奏以爲軍司空令本始中從軍擊匈奴軍罷復爲郎先是時漢數出使西域多辱命不稱或貪汙爲外國 苦是時烏孫大有擊匈奴之功而西域諸國新輯漢方善遇欲以安之選可使外國者前將軍增舉奉世以衛侯使持節送大宛諸國客至伊修城都尉宋將言莎車與旁國共攻殺漢所置莎車王萬年并殺漢使者奚充國時匈奴又發兵攻車師城不能下而去莎車遣使

揚言北道諸國已屬匈奴矣於是攻劫南道與敵盟畔漢從鄯善以西皆絕不通都護鄭吉校尉司馬意皆在北道諸國間奉世與其副嚴昌計以爲不亟擊之則莎車日疆其勢難制必危西域遂以節諭告諸國王因發其兵南北道合一萬五千人進擊莎車攻拔其城莎車王自殺傳其首詣長安諸國悉平威振西域奉世乃罷兵以聞宣帝召見韓增曰賀將軍所舉得其人奉世遂西至大宛大宛聞其斬莎車王敬之異於他使得其名馬象龍而還上甚悅下議封奉

世丞相將軍皆曰春秋之義大夫出疆有可以安國家則顓之可也奉世功效尤著宜加爵土之賞少府蕭望之獨以奉世奉使有指而擅矯制違命發諸國兵雖有功效不可以爲後法即封奉世開後奉使者利以奉世爲比爭遂發兵要功萬里之外爲國家生事於夷狄漸不可長奉世不宜受封上善望之議以奉世爲光祿大夫水衡都尉元帝即位爲執金吾上郡屬國歸義降胡萬餘人反去初昭帝末西河屬國胡伊酋若王亦將衆數千人畔奉世輒持節將兵追

擊右將軍典屬國常惠薨奉世代爲右將軍典屬國加諸吏之號數歲爲光祿勳永光二年秋隴西羌三姐旁種反詔召丞相韋玄成御史大夫鄭宏大司馬車騎將軍王接左將軍許嘉右將軍奉世入議是時歲比不登京師穀石二百餘邊郡四百關東五百四方饑饉朝廷方以爲憂而遭羌變玄成等漠然莫有對者奉世曰羌虜近在竟內背叛不以時誅亡以威制遠蠻臣願帥師討之上問用兵之數對曰臣聞善用兵者役不再興糧不三載故師不久暴而天誅亟

決往者數不料敵而師至於折傷再三發射則曠曰
煩費威武虧矣今反虜無慮三萬人法當倍用六萬
人然羗戎弓矛之兵耳器不犀利可用四萬人一月
足以決丞相御史兩將軍皆以爲民方收斂時未可
多發萬人屯守之且足奉世曰不可天下被饑饉士
馬羸耗守戰之備久廢不簡夷狄皆有輕邊吏之心
而羗首難今以萬人分屯數處虜見兵少必不畏懼
戰則挫兵病師守則百姓不救如此怯弱之形見羗
人乘利諸種並和相扇而起臣恐中國之役不得止

於四萬非財幣所能解也故少發師而曠日與一舉
而疾決利害萬萬也固爭之不能得有詔益二千人
於是遣奉世將萬二千人騎以將屯爲名典屬國任
立護軍都尉韓昌爲偏裨到隴西分屯三處與屬國
爲右軍屯白石護軍都尉爲前軍屯臨洮奉世爲中
軍屯首陽西極上前軍到降同阪先遣校尉在前與
羗爭地利又別遣校尉救民於廣陽谷羗虜盛多皆
爲所破殺兩校尉奉世具上地形部衆多少之計願
益衆三萬六千人乃足以決事書奏天子大爲發兵

六萬餘人拜太常弋陽任千秋爲奮武將軍以助焉
奉世上言願得其衆不須復煩大將因陳轉輸之費
上於是以璽書勞奉世且讓之十月兵畢至隴西十
一月並進羗虜大破斬首數千級餘皆走出塞兵未
決間漢復發募士萬人拜定襄太守韓安國爲建威
將軍未進聞羗破還上曰羗虜破散創艾亡逃出塞
其罷吏士頗留屯田備要害處明年二月奉世還京
師更爲左將軍光祿勳如故其後錄功拜爵下詔曰
羗虜桀點賊害吏民政隴西府寺燔燒置亭絕道橋

甚逆天道左將軍光祿勳奉世前將兵征討斬捕首
虜八千餘級鹵馬牛羊以萬數賜奉世爵關內侯食
邑五百戶黃金六十斤裨將校尉三十餘人皆拜後
歲餘奉世病卒居瓜牙官前後十年爲折衝宿將功
名次趙充國奉世死後二年西域都護甘延壽以誅
郅支單于封爲列侯時丞相匡衡亦因延壽矯制生
事據蕭望之前議以爲不當封而議者咸美其功上
從衆而侯之於是杜欽上疏追錄奉世前功上以先
帝時事不復錄奉世有子男九人女四人長女媛以

選充後宮爲元帝昭儀產中山孝王元帝崩媛爲中山太后隨王就國

馮譚奉世長子太常舉孝廉爲郎功次補天水司馬奉世擊西羌譚爲校尉隨父從軍有功未拜病死譚弟野王俊立參至大官

馮野王字君卿受業博士通詩少以父任爲太子中庶子年十八上書願試守長安令宣帝奇其志問丞相魏相相以爲不可許後以功次補當陽長遷爲櫟陽令徙夏陽令元帝時遷隴西太守以治行高入爲

黎城縣續志

卷之四

補遺

二十一

左馮翊歲餘而池陽令並素行貪汙輕野王外戚年少治行不改野王部督郵掾殺趙都案驗得其主守盜十金罪收捕並不首吏都格殺並家上書陳寃事下廷尉都詣吏自殺以明野王京師稱其威信遷爲大鴻臚數年御史大夫李延壽病卒在位多舉野王上使尚書選第中二千石而野王行能第一上曰吾用野王爲三公後世必爲我私後宮親屬以野王爲比乃下詔曰剛彊堅固確然無欲大鴻臚野王是也心辨善辭可使四方少府五鹿充宗是也廉潔節

儉太子少傅張譚是也其以少傅爲御史大夫上繇下第而用譚越次避嫌不用野王以昭儀兄故也野王乃歎曰人皆以女寵貴我兄弟獨以賤野王雖不爲三公甚見器重有名當世成帝立有司奏野王王舅不宜備九卿以秩出爲上郡大守加賜黃金百斤朔方刺史蕭育奏封事薦言野王行能高妙內足與圖身外足以慮化竊惜野王懷國之寶而不得陪朝廷與朝者並野王前以王舅出以賢復入明國家樂進賢也上自爲太子時聞知野王會其病免復以故

二千石使行河提因拜爲琅邪太守是時成帝長舅陽平侯王鳳爲大司馬大將軍輔政八九年矣時數有灾異京兆尹王章譏鳳顓權不可任用薦野王代鳳上 納其言而後誅章語在元后傳於是野王懼不自安遂病滿三月賜告與妻子歸杜陵就醫藥大將軍鳳風御史中丞劾奏野王賜告養病而私自便持虎符出界歸家奉詔不敬杜欽時在大將軍幕府欽素高野王父子行能奏記於鳳爲野王言鳳不聽竟免野王郡國二千石病賜告不得歸家自此始初

野王嗣父爵爲關內侯免歸數年年老終於家子座
嗣爵至孫坐中山太后事絕

馮浚字子產通易太常察孝廉爲郎補謁者建昭中
選爲復土校尉光祿勳于永舉茂才爲美陽令功次

遷長樂屯衛司馬清河都尉隴西太守治行廉平年
四十餘卒爲都尉時言河隄方略在溝洫志

漢書溝洫志元帝永光五年河決清河靈鳴犢口而屯氏河絕成帝初清河都尉馮浚奏言郡丞河下流與兗州東郡分水爲界城郭所居尤卑下土壤輕脆易傷頃所以闕無大害者以屯氏河通兩州分流也今屯氏河塞靈鳴犢口又益不利獨一川兼受數河之任雖高增隄防終不能泄如有霖雨旬日不霽必盈溢靈鳴犢口

黎城縣續志

卷之四

補遺

二十三

在清河東界所在處下雖令通利猶不能爲魏郡清
河減損水害禹非不愛民力以地形有勢故穿九河
今既滅難明屯氏河不流行七十餘年新絕未久其
處易浚又其口所居高於分流殺水力道里便宜
可復浚以助大河泄暴水備非常又地節時郭昌穿
直渠後三歲復邪直貝邱百姓寒心宜復穿渠東行
合今其曲勢復邪直貝邱百姓寒心宜復穿渠東行
不豫修治北決病四五郡南決病十餘郡然後憂之
晚矣事下丞相御史曰博士許商治尚書善爲算能
度功用遣行視以爲屯氏河盈溢所爲方用度不足
可且勿浚後三年河果決於館陶及東郡金隄泛濫
兗豫人平原千乘濟南凡灌四郡三十二縣

馮立字聖卿通春秋以父任爲郎稍遷諸曹竟甯中
以王舅出爲五原屬國都尉數年遷五原太守徙西
河上郡立居職公廉治行略與野王相似而多智有

恩貸好爲條教吏民嘉美野王立相代爲太守歌之
曰大馮君小馮君兄弟繼踵相因循聰明賢知惠吏
民政如魯衛德化鈞周公康叔猶二君後遷爲東海
大守下溼病痺天子聞之徙立爲太原太守更歷五
郡所居有迹年老卒官

馮參字叔平學通尚書少爲黃門郎給事中宿衛十
餘年參爲人矜嚴好修容儀進退恂恂甚可觀也參
昭儀少弟行又敕備以嚴見憚終不得親近侍帷幄
竟寧中以王舅出補涇陵食官令以數病徙爲寢中

黎城縣續志

卷之四

補遺

二十四

郎有詔勿事陽朔中中山王來朝參擢爲上河農都
尉病免官復爲涇陵寢中郎永始中超遷代郡太守
以邊郡道遠徙爲安定太守數歲病免復爲諫大夫
使領護左馮翊都水綏和中立定陶王爲皇太子以
中山王見廢故封王舅參爲宜鄉侯以慰王意參之
國上書願至中山見王太后行未到而王薨王病時
上奏願貶參爵以關內侯食邑留長安上憐之下詔
曰中山孝王短命早薨願以舅宜鄉侯參爲關內侯
歸家朕甚愍之其還參京師以列侯奉朝請五侯皆

敬之丞相翟方進亦甚重焉數謂參物禁太甚君侯以王舅見廢不得在公卿位今五侯至尊貴也與之並列宜少詘節卑體視有所宗而君侯盛修容貌以威嚴加之此非所以下五侯而自益者也參性好禮儀終不改其恆操頃之哀帝即位帝祖母傅太后用事追怨參姊中山太后陷以祝詛大逆之罪語在外戚傅參以同產當相坐謁者承制召參詣廷尉參自殺且死仰天歎曰參父子兄弟皆備大位身至封侯今被惡名而死姊弟不敢自惜傷無以見先人於

地下死者十七人衆莫不憐之宗族徙歸故郡

案兩漢迄晉黎潞爲一縣故馮氏潞人而墓皆在黎城馮衍顯志賦云瞰太行之嵯峨兮觀壺口之崢嶸悼邱墓之蕪穢兮恨昭穆之不榮不獨元和志寰宇記爲可徵信也前志列於人物是矣而體例乖謬割裂本傳十失五六茲依漢書次第補錄原文而並入之名賢云

馮胄字世威奉世之後也常慕周伯況閔仲叔之爲人隱處山澤不應徵辟司空李邵卒門人獨胄制服

心喪三年時人異之

見後漢書方衛列傳前志失載

徐爾悟文獻長子崇禎時死闖難優詔恤之

見高步蟾徐文獻墓志但云死闖難而不詳其時
與地府志增益之曰文獻任陝西爾悟里居明末
值闖賊破邑被執不屈死案賊將劉芳亮陷潞安
在十七年春明社隨屋安得有詔恤之典且志言
其死於孝亦必非里居

高步蟾字伯仙幼有大略好學善屬文爲鄉先生李

黎城縣續志

卷之四

補遺

二十六

冲虛所器遂師事之於書無所不讀家僅中貲而事
母奉養極厚喜周急賑孤寡爲人解紛雪冤至出資
財任之不恤也晚結廬天馬山下自號爲兩峰主人
著有兩峰文集以太學生終子星雯舉順治丁酉鄉
試

府志載爲明末人

流寓

李師晦者 番馬李漸之孫也爲劉從諫潞州從
知從諫不軌遂隱居黎城山潞州平朝廷嘉之就

縣宰曾於衲僧處得落星石一片僧云於蜀路早行見星墜於前遂掘之得一片石如斷磬其石端有雕刻狻猊之首亦如磬有孔穿條處尚光滑豈天上奏樂器毀而墜歟此石流轉到安邑李甫宅中

右見尚書故實前志失載案新唐書方鎮劉積傳云李師晦者本宗室子始悟辟致幕府見從諫稍恣假言求長生術不與事從諫使歸東都師晦懼爲谷揚度等所譖請居涉從諫不之疑積敗有爲帝言者擢伊闕令唐涉縣與黎城並屬潞州相距六十里元併偏城等十三村入黎城而縣境去涉僅二十五里師晦既求長生術必山居無疑史因其近涉遂謂其居涉耳然可證其故蹟確在城東諸山矣

呂柟字仲木高陵人正德三年進士第一授修撰嘉靖中以議大禮忤張桂謫解州判官累遷南京禮部侍郎柟受業渭南薛敬之接河津薛瑄之傳學者稱淇野先生黎城司訓文宗顏其姻也謫官時遂游黎聞孝子王修身廬墓文學趙初隱居著書皆就見之

據文廟碑記補載

列女

孝元馮昭儀平帝祖母也元帝即位二年以選入後宮時父奉世爲執金吾昭儀始爲長使數月至美人後五年就館生男拜爲倓仔時父奉世爲右將軍光祿勳奉世長男野王爲左馮翊父子並居朝廷議者以爲器能當其位非用女寵故也而馮倓仔內寵與傅昭儀等建昭中上幸虎圈鬪獸後官皆坐熊佚出圈攀檻欲上殿左右貴人傅昭儀等皆驚走馮倓仔

黎城縣續志

卷之四

補遺

二十八

直前當熊而立左右格殺熊上問人情驚懼何故前當熊倓仔對曰猛獸得人而止妾恐熊至御坐故以身當之元帝嗟嘆以此倍敬重焉傅昭儀等皆慙明年夏馮倓仔男立爲信都王尊倓仔爲昭儀元帝崩爲信都太后與王俱居儲元宮河平中隨王之國後徙中山是爲孝王後徵定陶王爲太子封中山王舅參爲宜鄉侯參馮太后少弟也是歲孝王薨有一男嗣爲王時未滿歲有眚病太后自養視數禱祠解哀帝即位遣中郎謁者張由將醫治中山小王由素有

狂易病病發怒去西歸長安尚書簿責擅去狀由恐
因誣言中山太后祝詛上及太后太后即傅昭儀也
素常怨馮太后因是遣御史丁立案驗盡收御者官
吏及馮氏昆弟在國者百餘人分繫洛陽魏郡鉅鹿
數十日無所得更使中謁者令史立與丞相長史大
鴻臚丞雜治立受傅太后指幾得封侯治馮太后女
弟習及寡弟婦君之死者數十人巫劉吾服祝詛醫
徐遂成言習君之曰武帝時鑿修氏刺治武帝得二
千萬耳今愈上不得封侯不如殺上令中山王代可

黎城縣續志

卷之四

補遺

二十九

得封立等劾奏祝詛謀反大逆責問馮太后無服辭
立曰熊之上殿何其勇今何怯也太后還謂左右此
迺中語前世事吏何用知之是欲陷我效也迺飲藥
自殺

藝文志

曉發天井關寄李師晦

唐許渾

山在水滔滔流年欲二毛湘潭歸夢遠燕趙客程勞
露曉紅蘭重雲晴碧樹高逢秋正多感萬里別同袍

入壺口關

明陶澂

地絡盤三晉關門控兩河舊傳出國小新築塞垣多
侯吏無烽燧居人有薜蘿不圖天下 今日馬蹄過

故縣寶泰寺造九級浮圖碑

多闕文

尚書省使儀同三司潞州司馬東原都開國公

因檢郭建欽王神通等立義門事恭敬侍佛頌曰時

雨溟濛香煙芬馥天長地久春蘭秋菊大浮屠主

李

妻申屠郈肱

自天地開闢之 幽明難測陰陽剖判之後世代

可知莫不逞壯氣而重

高才而矜富貴爭

黎城縣續志

卷之四

補遺

三十

利害於石火競功名於風燭 知榮華與屈相遷

阜隸及王等趨金門貝闕詎壯幽冥繡轂龍媒

齊生死於是 治三界來往四輪以乾 爲可保

之城謂 宅爲有常之宅故天師出世聖教同流

灋門闔八萬四千 通九十六種示諸魔於苦

海壽羣生於福田皈依者得免樊籠迴向者便超

彼岸故襄垣耄守郭休世封陽曲建社太原上祖

從 遂家此邑門有喆人德水標仙舟之異世多

奇士并州 竹馬之期器宇凝邃風裁道舉比意

氣於孤松類懷抱於叢桂談議而對天子坐隸
席畫竒以示將軍決勝千里被稱志代見重當時
本枝剋冕子孫繁盛志四蛇催運 鼠侵季歎華
首而代紅顏恨黃泉而沈白 故率合鄉人共皓
浮圖九級鎮此潞州在縣之東南俯臨大道旁衝
鰲國 城秦將定燕卒之繼炎帝獲嘉禾之
地值周并齊運像灋沉淪舊塔崩頽劣有 迹
大隋握圖受命出震君臨屏蹶塵而作輪王救濁
世而居天位大開立教 置伽藍太子買雜寶之

花波斯刻真檀之像刈陵縣政新鄉鄉義里郭伯
珠者然之從子早彰竒骨即號神童幼挺異才便
稱水鏡義治骨肉化及弟兄六世同居百有餘口
朝野貴其風範閭里慕其家法本圖曳尾寧許濯
纓咲敬付之言高少遊之願蠹書草聖相伴於青
松濁酒焦琴共對於明月豈望乘竹龍而履鳧舄
飲玉膏而餌玄霜將欲捨頭希不忤之身施肉請
無常之偈以 皇五年歲次鶉尾與華川鄉人李
延壽及合縣羣英感

皇帝之恩追從之迹遠於舊所重營九級浮圖蓋何二
周其功始就露盤乘月寶鐸搖風背朝市而遊士
女庶使託爲 際持作福田見者與見而消殃禮
者共禮而除障望似龍花寶塔寧隨 子之城雀
離浮圖豈逐天衣之頌曰 上元始判皓化初閭
天傾地絕古往今來盛衰交謝生死相催壹五惑
難上三灾獨有喆人迥櫛奇質生輕義重調高才
逸恩合春風愛均冬日早驚劫火燈燃閭室欲除
習鄣聊積善因庭羅寶刹塔寫金人時遭圯泰道
黎城縣續志

卷之四

補遺

三十一

逐崩淪所悲神迹翻累風塵避世之士連城之壁
氣擁風雲性分金石長悲虛幻迴歸利益欲述荆
蹤還修故迹縣臨長路塔鎮平川風翻蓋影雲曳
香烟金剛永固妙法 傳未知東海幾作桑田
佛弟子劉世達供養

福勝寺碑記

間有殘缺

黎城縣即古黎侯國自漢已來屬上黨郡邑民淳厚
而奉佛潞州人多食牛肉惟此縣人不食牛死則埋
之予大定乙酉嘗宰是邑凡四年縣之山寺無不遊

歷者嵐山之北有泉飛流下溉民田曰源泉村村之東有寺曰壽聖院清靜爽塏僧惠福主之惠福淳古有德行人村民皆愛敬之予與邑士五六人時作信宿之遊厥後予入臺閣方爲御史中丞時惠福來昊天寺印大藏經後五年乞身還鄉 朝廷錄其勞除沁南軍節度使實明昌元年也一年復告致仕許焉越明年蒙 恩特起爲昭義軍節度使惠福特來相訪因言重建福勝院經閣殿宇之由先師和尚俗姓樊代州崞縣人宋大觀元年五臺山華嚴寺出家法

黎城縣續志

卷之四

補遺

三十二

名善清後賜紫衣至潞州龍興寺依止無餘禪師法席皇統二年 皇恩普度遂度到弟子德玉德喜惠福三人三年南李保村郝智等請於本村建禪庵居止鄰村之民敬禮歸之其受戒者無慮千人四年源泉壽聖院僧崇進及村老卜寶等經僧正司請住持本院天德二年六月示寂厥後德玉惠福修南李保舊庵作壽聖下院大定三年 賜天下無 額寺院遂得福勝院今特建殿廊經閣乞數字以紀之庶傳永久予以舊識此僧忠實可愛而住下村民張穩等

皆舊治 民義不可辭因直書其事以識其歲月云
明昌癸丑秋八月通奉大夫昭義軍節度使兼潞州
管內觀察使提舉學校常平倉事上護軍隴西郡開
國侯食邑一千戶實封一百戶李宴記

承安四年歲次己未八月吉日住持福勝院修造化
緣僧惠福 路亨書男時泰篆額

明故平陸學博鳳池高公之墓誌

公^諱孝 文登縣教諭高公^諱進之三子也其子四
出仕廣文者三人其伯仲季皆倜儻不羈公沈靜醇

黎城縣續志

卷之四

補遺

三十四

謹淹博百家少攻舉子業士籍知名試必高等年四
十以明經觀國光萬曆四十六年出仕平陸縣廣文
不偶於時遷 教授不就隱於家非讀書人不與
處客有曰子閉戶一室不亦寂乎答曰吾無日不與
古聖賢相質何寂之有客默然而退生平謹以愛身
廉以守已惟衣襦食菑而不恤門牆生徒日衆稱士
林表表者多人壽八十而終生子四俱列鬢序內外
孫十九人^{御等}生也晚猶得親其教敢言其畧云

外孫李御李吉謹識

康熙十八年歲次庚申男庠生雲齊庠生漢齊增生
奎齊增生辰齊等立石

黎城縣續志

卷之四

補遺

三十五

糾誤

地理志

沿革

舜封十二州屬并

案馬氏融曰禹平水土置九州舜以冀州之北廣大分置并州周禮職方正北并州其山川有恆山昭餘祁虜池嘔夷涑易皆去黎遠顧亭林謂幽并營三州在禹貢九州之外并州今忻代以北至塞外之地是也然則黎在有虞氏仍爲冀州其屬并

黎城縣續志

卷之四

糾誤

三十六

州乃漢制上黨郡爲并州刺史部也以後世之郡縣定三代之疆域且不可況上古時乎
黃帝封支子於潞縣時在潞國域殷湯受命乃始封侯於此國名曰黎

案黃帝封炎帝之後參盧於潞見潞史非黃帝支子潞本作露潞史茶陵露水鄉有露水山余訪炎帝陵稽其始封字亦作潞蓋商周間衍於河北爾黎書疏及說文但云殷侯國以爲湯受命時所封亦無考

春秋時潞氏强大乃奪黎地以立潞子嬰兒黎侯棄其國而寄於衛

案此合詩序左傳爲一事也考詩序旄邱責衛伯也疏云此詩之作責衛宣公左傳宣十五年當衛穆公時姜炳璋詩序廣義云衛至穆公徙居楚邱已三世則黎與晉鄰晉爲盟主何殷殷望救於衛哉詩作於宣公之世爲始封之衛無疑斯時狄勢已強翦黎卽滅衛之漸也奪黎地在潞子嬰兒既立之後鄆舒爲政時此云奪黎地以立潞子嬰兒

黎城縣續志

卷之四

糾誤

三十七

亦誤

熙寧中省入潞涉二縣元祐初復置金元明因之而以屬山西布政司

案宋史地理志黎城崇寧五年省入潞城元祐元年復未嘗入涉縣潞州金屬河東南路元屬晉寧路明始置山西布政司文殊混淆

城池

黎侯城在縣北十八里後魏太武初廢

案黎侯城見上黨記當是春秋時故城而自秦漢

以來未嘗置縣其廢久矣不得云自後魏太武始廢也據魏書地形志刈陵太武真君十一年以潞縣被誅遺人置隋開皇十八年改名黎城其地爲今縣西北八里之故縣城則太武所廢者乃漢晉以來之潞縣潞子故城與黎侯城何涉又古蹟云黎侯故城在縣東北二十里商書西伯戡黎即其地也春秋時潞鄆舒逐黎侯奪其地立潞子嬰兒晉荀林父滅潞子復立黎侯而還後魏太武初城始廢皆臆說不見經史

東漢嘗以幽冀并州定天下始於黎陽立營領兵騎至千人以謁者監之號黎陽兵

黎城縣續志

卷之四

糾誤

三十八

案漢黎陽縣郡國志屬魏郡水經河水又東北過黎陽縣南注黎侯國也詩式微黎侯寓於衛是也晉灼曰黎山在其南河水經其東考詩式微泥中中露毛傳以爲二邑即在其地爲黎侯寓衛所居故水經亦謂爲黎侯國也一統志黎陽故城在衛輝府濬縣東北

山川

箕山在縣北八十里彭莊益避禹子於此有許由墓在曬布崖下潁水在縣北七十里有小溪曰潁相傳

爲許由洗耳處並見府舊志

案太平寰宇記箕山在遼州遼山縣西四十五里
上有許由冢山有石室方四丈壁中文字篆書人
莫能識又引後魏風土記云太原郡箕山有許由
冢今縣北與遼接壤故傳合於此潁水則輾轉相
及耳然太史公所云箕山有許由冢其地實在陽
城今登封縣北三十八里之山是也似遼州之箕
山已屬附會府志嘗辨之

古蹟

黎城縣續志

卷之四

糾誤

三十九

彭莊古豐川村世傳彭祖曾訪三仙女於此

又云曬布崖世傳高辛氏之宮女爲三仙織龍鬚
之布粉妝臺有石類粉盒盥盆即仙女所用皆誕
幻無稽如入九重之譯令人莫可究詰竊疑彭莊
曹莊並在縣北而曹莊又有魏武祠或曹操子燕
王宇字彭祖者居鄴時此地或爲其別業後傳失
真遂以曹莊爲曹羲所居而誤彭祖爲古仙人也
黎受封自商歷周雖中更西伯之戡而不滅其國蓋
千餘年國也

案史記殷本紀西伯伐飢國滅之正義曰即黎國
六韜決大疑武王封湯後於黎呂氏春秋
以為堯後安得謂
為千餘年未滅之國

竇建德墓在縣東七十里竇口里

案建德號夏王都樂壽在深州死於牛口谷在汜
水此不當有其墓竇口里舊屬平順今歸潞城

政事志

紀事

漢五鳳中歲數豐黎潞穀大熟至石壹錢

黎城縣續志

卷之四

糾誤

四十

案漢書宣帝紀五鳳四年大司農中丞耿壽昌奏
設常平倉以給北邊食貨志宣帝卽位歲數豐穰
穀至石五錢農人少利五鳳中耿壽昌奏言宜糴
三輔宏農河東上黨太原郡穀足供京師云云時
關東諸郡並豐非獨上黨也漢書無黎潞字亦無
穀石一錢之說

晉泰興二年陳武妻一產男三人

案晉書石勒載紀云黎陽民陳武通志府志竟改
陽為城而黎城名縣實自隋始

唐景隆二年八月縣嘉禾合穗

案景龍爲唐睿宗號字不作隆是年八月長子縣
禾合穗潘炎有賦

人物志

名賢

漢壺關三老姓令狐名茂

序云黎鄉賢載祀典者代不乏人而壺關三老應
首與焉蓋古者三老養於太學即天子所執醕而
奉爵者也案漢壺關縣爲今長治壺關二縣地非

黎城縣續志

卷之四

糾誤

四十一

黎之壺口關也令狐茂墓元和郡縣志在壺關縣
東十九里茂即其縣人也漢書百官表縣十里一
亭十亭一鄉鄉有三老掌教化秦制也高帝紀舉
民年五十以上有脩行能率衆爲善置爲鄉三老
擇鄉三老中一人爲縣三老與縣令丞尉以事相
教與戴記所言三老五更有別

漢馮奉世馮參詳勲爵馮野王馮立詳任子宋宇文
光詳忠節明趙博李世芳詳進士韓磐王景明王崇
雅詳貢士

名賢二十餘人事實半別見不知勲爵贈蔭進士貢生乃表體惟宜題銜名此篇乃傳體必詳載事實未可以意參錯也且一人數見尤乖體例本書若此者不勝枚舉姑即是篇言之以正其謬

忠節

馮昭儀傳末云君子謂之忠勇慕義

案錄史文而自加評贊非例昭儀以女子而舉以冠忠節亦奇

流寓

黎城縣續志

卷之四

糾誤

四十二

彭祖曹羲

案三國志曹羲與兄爽並爲司馬懿所殺此云羲攜妻子遁於縣之北山無可徵信彭祖傳云自彭城來寓豐川村就三仙女學道得養生秘術通志乃據爲故實採入沁州仙釋亦昌黎所云惟怪之欲聞也然史傳方術已爲之先方乘又奚責焉是志仙釋所列七人大都類是無是也

附錄

書目

明靳惟精黎城志

佚

案書成於嘉靖時康熙中邑人李吉輯黎志已云
版籍散佚今益無從搜訪矣

趙初玉泉常言玉泉答問三要六治策玉泉詩集
並佚

案初文舊志存三教堂記一篇

黎城縣續志

卷之四

書目

四十二

李甲黃靜觀齋語錄菴欄雜著磊園文集詩集

案磊園文舊志存書五首序二首府志別載梨花
塢詩序一首

李慎黃甌行草覆瓿草就正編

佚

李御式怡堂集

佚

李吉怡園集苦音集印可帖

佚

案舊志稿爲二李所草創其遺集不傳

申如岳嵩生詩文

佚

案嵩生文名最甚所著不傳靳榮藩爲作傳稱其
以上黨形勢賦銅鞮宮懷古詩得名今亦無知者
王子莊論語筆說易說求是書說求是詩說求是春
秋說求是集古留眼

佚

高獻抒廷詩文

黎城縣續志

卷之四

書目

四十四

佚

案抒廷舉康熙己未鴻博而著述無所見列其名
俟留心文獻者搜輯焉

高擣謙律呂圖考朱陸異同辨

佚

靳榮藩綠溪文綠溪詩詠史偶稿綠溪語吳詩集覽
存

詠史偶稿自序曰昭明文選詠史者四家曹子建之
三良顏延年之五君亦其類也顧弱冠弄柔翰卓犖

觀羣書謂之自詠可耳即鬱鬱澗底松習習籠中鳥亦近於嗣宗詠懷泉明雜詩之意蓋古人意不專於詠史而常若有餘今人意專於詠史而常若不足此亦人才升降感慨之一節也杜子美百代宗工僅得詠懷古迹五首然杜有詩史之目詩皆史也人將詠之杜非從略焉中晚詩人每多詠古絕句如杜牧之隋宮春李義山齊宮詞之類不可勝紀至或含蓄忠厚能使興亡得失之幾見於二十餘字之外鑒往戒來非徒流連烟月矜筆墨之妙而已茶陵李文正公

詠史樂府爲尤展成明史樂府所自出然尤氏既以樂府名篇而又云聲與調固所不恤則名與實戾雖亦本於茶陵之論楊廉夫固不若吳梅村讀史偶述三十二絕句王漁洋讀三國志三十首爲得已余孤生淺學何敢妄議風雅值

國家文治光昭纂成明史播在學宮閒嘗借而讀之於元季諸臣知其有周京黍離之悲於明初諸將知其有越國藏弓之恨金川門啟牢落東南土木驛空羈遲西北自威武將軍以後暨大羅太上之前

世宗自號太上

大羅天仙元
都萬壽帝君

南巡之拜杖何多左順之撼門不少君

耽八虎丹傾劉謝之心相是百鸞碧化沈楊之血既
而人爭三案戶說中涓四十孫蠅飛蝟集十三家豕
突鴟張大盜躡京孤君狗社東林半罹於水火碩果
何存南部徒記其烟花死灰誰爇蓋思陵已終乎明
代而

世祖永奠夫不基自簡冊以來神功聖德廣大寬仁未有
如

大清之極盛者也涉略之餘染翰操紙共成斷句若干

黎城縣續志

卷之四

書目

四十六

首漁洋選洪文敏萬首絕句如孫元晏胡曾之詠史
一概不錄以此視之且何如也

綠溪語自序曰士君子立言旨趣各有不同上之羽
翼經籍闡明理學如漢晉唐宋大儒之注疏集解此
立德者之言也次之通達政體講求民生利病如歷
代名臣諸奏疏此立功者之言也至於瑣綴曲說摭
拾鈔撮既無關於聖學亦罔補於經濟春鳥秋蟲時
鳴時止何立言之足云乎雖然小說家亦有未易言
者蓋非說之難而遇其時得遂吾說之難也余少爲

父母所憐無飢寒顛沛之患及筮仕中邦補任畿輔
恭遇重熙累洽

聖天子作之君作之師德與功各建其極經學昌明化
理清平道德一而風俗同爲令長者奉行成憲易於
爲治每當自公退食優游多暇而余朴拙無似於蒲
博玩好弋獵竹肉諸技俱無能爲役環視鄴架卷軸
塵封間取而讀之隨筆紀錄以爲談助蓋度德程功
深愧言無足採又以淺見善忘亦難附於說部叢書
之末然而松閣餘閒操紙伸墨此時此景有非勞人
悴士旁午瑣尾所可同年而語者沐浴光華之日月
徜徉浩蕩之乾坤得從事於吾說孰非

國家泰和之氣休嘉之運涵濡而醞釀之者與因釐爲
綠溪語二卷所以幸吾之遇也是爲序

吳詩集覽王鳴盛序曰梅村祭酒詩衣被海內百餘
年矣而未有注山右靳介人先生深於詩學孜孜汲
古由戊辰名進士筮仕中邦及 畿甸公餘拄笏時
時掉頭作苦吟聲酷嗜梅村詩遂爲注之覈其典故
稽其出處參伍其平生行事師友淵源州次部居年

經月緯久之成帙目曰集覽不遠數千里郵示屬爲之序竊觀近日詩教大昌詩家多如麻葦或嗜甘而忌辛或好丹而非素言人人殊莫能相一請以片言折之杜陵千古詩聖其言下筆有神必以讀書萬卷爲本然則性靈雖妙非書卷不足以發之彼謂詩有別才非關學問者聊飾詞以文儉腹耳故予論詩必以多讀書爲勝

木朝詩人讀書博隸事多者三家梅村與阮亭司寇竹垞檢討是也夫其隸事既多學者苟無張茂先之洽

黎城縣續志

卷之四

書目

四十八

聞鄭漁仲之博物必將開卷茫然如坐雲霧則注釋要矣曩予亡友惠定宇注阮亭詩久已膾炙人口令予門人范生洪鑄注竹垞詩成亦稱淹雅正相與商榷開雕而介人之書適至從此三注並行于以表彰前喆嘉惠藝林爲益詎淺渺哉介人夙負詩名觀其自運清新可繼梅村居官所在皆有治績今守蔚州方築暖泉隄以捍水又一循吏也乃其善著書復如是洵可謂有兼人之美者與予于祭酒爲同里後進且予入世祖母吳氏明叅政遜菴公女即祭酒之會

祖姑溯我自出雖遼遠弗敢忘也顧老懶昏眊于梅
村詩無能爲役介人此注余僅從壁上觀執筆而序
之其將重予之愧矣夫介人名榮藩介人其字別自
號曰綠溪今學者多稱綠溪先生云

高曰達桂溪詩稿詞稿

佚

王煥辰薇階詩草杜律先易杜律標式

存

王發越倚雲山房集

黎城縣續志

卷之四

書目

四十九

存

碑目

隋寶泰寺碑

存

碑正書開皇五年立在故縣城

宋慶安寺碑

存

文載舊志

碑正書至和二年立在故縣城縣尉韓固文

潞祠記

文載舊志

碑正書在縣西南十五里潞祠山縣尉韓固文

宋宇文光墓碑

佚

碑正書吳陶文在城北十五里今佚

金德崇禪師塔銘

存

石正書大定十九年立在辛村里毛麾撰文

黎城縣續志

卷之四

碑目

五十

金福勝寺碑

存

碑正書承安四年立

元修宣聖廟碑

文載舊志

碑正書元貞元年立進士權秉中文

文中至元中官於黎者達魯花赤有末魯不花也

孫朵舊志職官失載案達魯花赤在彼時爲掌印

官蒙古語荷包壓口取管轄之義各路設有大達

魯花赤其在州者爲監州在縣者曰監縣位知州

縣尹右

明修學碑

存

文載舊志

碑正書嘉靖三年立呂柟文

修城記

存

文載舊志

黎城縣續志

卷之四

碑目

五十一

碑正書隆慶二年立教諭蕭堽文

四無堂記

存

文載舊志

碑正書隆慶二年立蕭堽文在典史署

式清亭記

存

文載舊志

碑正書天啟五年立暴謙貞文

曹王廟碑

文載舊志

碑文爲王懷遠撰載舊志曹操祠於乾隆中爲李
太守所毀不知並碑踣否耶而懷遠文自雅馴
明人諸碑皆所不及故存之案唐時無爲和州並
有魏武祠劉禹錫詩云曹操祠猶在濡須塢未平
又元吳澄毀曹操詩序言其祠在夷陵爲申屠駟
所毀奸雄身後猶能血食亦異事也

